

Селәнә Советмүдин ик төрмүд

Күч-көлсчирин депутатрин бәәрн газрумдин Советмүдин дунд селәнә Советмүдин авч бәәх зәнһ йир ик. Селәнә Советмүд—амин оһи депутатир сунъгъдг, оһи сай күч-көлсчир тал өбрхн бәәдж, теднлә тас-рлтан уга бат залгълдата бәә-дмн. Советск социалистическ демократизмиг улм цааранднь өбдлүлхд селәнә Советмүдин көдлмшинь ясруллгън ончта чинр зууджәнә.

Одахн РСФСР-н Деед Со-ветин Президиум, Российск Федерацин күч-көлсчирин де-путатрин селәнә Советмүдин ода бәәх Положениг хәләдж, сольвр орулх төр тәвдж күү-в. Тер Положеньд орулгдсн сольврмуд батлгдх болв.

Мана Коммунистическ пар-тин зааврар тер шин Поло-женьд селәнә Советмүдин зө-винь болн даалгъврмудинь зө-вәр икдүллгън темдглгдджәнә. Селәнә Советмүдин өмн ик төрмүд тәвгдджәнә. Тер зөв болн даалгъврмудан дигтә сәә-нәр күцәдж, селәнә Советмүд социалистическ тосхлтд оһи амтсиг бүрдәдж орлцуллгъан улм ясрулхмн.

Селәнә Советмүд шин Поло-женәс иштә, эврәннь медрин газрт бәәх колхозмудин, сов-хозмудин, промышленн пред-приятсьин болн культурн уч-реженьсин көдлмшинь гуунәр шуудж, эврәннь заавран өгч дхмн. Эднә гардач улсин тооцагъинь сонъсад, эдл-ахун болн культурн тосхлтин хал-хар өмннь зогсджах төрмүдән күцәлгънднь дөнъ-нөкдән кү-ргх зөвтә.

Селәнә Советмүд колхозмуд совхозмуд, бригадс, фермс хоорнд социалистическ дөрлдә бүрдәхми гидж шин Положе-ньд келгдджәнә. Эннь—шин ик даалгъвр. Урднь болхла эн төрт селәнә Советмүд багъар онъган тәвдг бәәсмн. Ода тер уурх учрта. Социалистическ дөрлдәнд селәнә эдл-ахун көд-ләчнриг өргнәр, шунмгъагар орлцуллгън—селәнә Советмү-дин өдр болгън килмджән тус-хах төр.

Культурн тосхлтин халхар селәнә Советмүдин деер ик даалгъвр тәвгдджәнә. Кун болгънд долан джилә сур-гъуль эрк биш дасгъх загаг күцәлгъ эдн тетгхми, шкөл-мудин, шанъгъагар школд күүкд оруллгъна, бичкдүдин асрмджин гермүдин, бичкдү-дин садмудин көдлмшиг шуудж хәләдг болхмн. Күч-көлсчн-

рин төлә научн медрин докладс, лекцс, күундермүд бүрдәдж, колхозникуд болн совхозин көдлмшчир дунд аг-ротехническ, зоотехническ сур-гъмдж бүрдәхд дөнъ-нөкдән өгх зөвтә. Оһи-амтсиг куль-турн бәәдлин тетглгъ келгънд селәнә Советмүд онц онъган тусхах зөвтә.

Селәнә Советмүдин зөвинь болн даалгъвринь икдүллгън теднә көдлмшинь ясрулдж, шунмгъалхнь лавта. Советмү-дин көдлмшнь өбдлхлә селә-дәр цуг көдлмшин йовуднь ясрх, колхозмуд, совхозмуд, промышленн предприятис болн культурн учрежденьс сәәнәр көдлцхәдг болх. Совет-мүд күч-көлсчир тал улм өбрхн, теднлә ницнъгъу, зал-гълдата кевәр көдлг болх, депутатрин шунмгъань өсх.

Мана Хальмг танъгъчд селә-нә 54 Советмүд бәәнә. Эднә кедж күцәдж йовх көдлмшинь делгү ик. Эдн дотр йилгъу сәәнәр көдлцхәдг йовхнь чигн бәәнә. Улгүрнь, Яшалтинск района Березовск селәнә Совет (ахлачнь үр Г. П. Соловьёнов) үс, ноос болн бидг государ-ствд өглгънә болн хулддж авлгъна джилә зураг болзга-снь урд күцәлгъ тетгв. Мөнъг цуглуллгъна болн күч-көлсчир государствд продукт орулдж өглгънә зура давулдж күцәл-гъиг Сарпинск района Обиле-нск селәнә Совет (ахлачнь үр И. С. Цицилин) тетгв.

Болв ингдж сәәнәр селәнә Советмүд цугтан көдлмшән кеджәхми уга. Приютненск, Юстинск нань чигн райодин се-ләнә зәрм Советмүд даалгъвр-ан муугъар күцәдж йовна, оһи-амтиг бүрдәдж, партин болн правительствин тәвджәх төрмүд күцәлгънд сулар орл-цулджана.

Селәнә Советмүдин туск шин Положень бийнь эврән теднә көдлмшиг онъгдарулад, ясад оркшго. Партийн органи-зацс болн райодин күцәгч коми-тетс тедниг гардлгъан чанъ-гъах, нөкдән ясрулх зөвтә. Селәнә Советмүдин гарддж йовх улсин медринь, дамшл-тинь өбдлүллгънд ик онъг килмджән тусхахмн.

Өбрддж йовх Алдр Октя-брьск социалистическ рево-люцин 40-ч джилин өбниг угтдж кегддж йовх социали-стическ дөрлдәг улм өргнәр делгрүлдж, селәнә Советмүд ода өмнән зогсджах төрмүдән күцәлгънд шин диилврмүд бәрцхәх зөвтә.